

兒女心頭盡田園意上除金銀財寶與妻孥物物般般屏棄恰  
如無 卻著人情事堪嗟性蠢愚不如一撥守清虛無作無爲  
便是好工夫

贈眾道友

心地頻頻掃塵情細細除莫教坑塹陷毗盧常靜常清方可論  
元初 性燭頻挑剔曹溪任吸呼勿令喘息氣聲粗晝夜綿綿  
端的好工夫

贈馬懷玉

意動心須動心除意亦除無無寂寂還無神氣和同子母得  
安居 莫覓曹溪路何須問尾閭眞清眞靜養眞如眞樂眞閑  
道藏輯要 漸悟集 三 胃集七  
眞箇好工夫

又

昨日因何喜今朝爲甚悲喜他向道慕希夷悲則因他華麗不  
相宜 旣欲搜玄妙須常做乞兒蓬頭垢面背纍垂意靜心清  
便是上天梯

七夕吟

天上初流火人間乍變秋鵲橋銀漢瑞雲浮織女今宵何處喚  
牽牛 閨女離閨閣無愁自起愁焚香乞巧拜無休恁肯灰心  
守拙列仙儔

又

夢裏遊郊野骷髏告我來哀聲聲切切聲哀自限從前酒色氣  
兼財 四害於身苦人心竟不灰致今萬劫落輪回悔不當初  
學道做仙材

又

王與馬相見心交應宿緣太原梁苑已昇天記得當初留語再  
相傳 守服須三載持心更五年誘人歸善行功全此箇扶風  
重禮害風仙

又

但願三丹結何愁兩鬢皤蓬頭垢面囉唻囉十二時中謹謹養  
沖和 不羨相如志無心繼伏波馬風題柱意如何不做神仙

道藏輯要

漸悟集

三

胃集七  
廿七文

不過灞陵河

又

無使名過實常教實若虛藏機隱密恰如愚閑問心王何處用  
功夫 性做長生寶身為大藥鑪鍊丹須要飲醅酬醉卧瓊樓  
調弄夜明珠

又

不羨人先悟惟愁我未愚蓬頭垢面背盧都身做行菴到處得  
安居 不著人情絆常教我相除逍遙自在箇塵無物外山侗  
不解會功夫

過真人